

# 大理叢書·金石篇

主編／楊世鈺

本篇主編／張樹芳



墓銘

李

故李與山堂碑銘  
 成化歲丁未月南呂洞亦張  
 堂碑而後錄予與夢是後無  
 也其姓也采出院口籍浪  
 大父思未父沐得祥生二自  
 登路廟之戒徐習詩書六苑  
 有五時欲入泮庠不果歿  
 官以與子王姐妻而贅之以  
 未配與以天順戊寅閏五月  
 而物故附陸欣考登洲老幼  
 林如者昔成化二十年十月  
 為於老遠終續先祖祀之計  
 他正為此耳嗚乎何以與年  
 而反人三坑果有者不當捨  
 與此皆必由天而弗由人也  
 彼妹者予生質鮮微  
 姑張惜才妻而贅余  
 授者受者俱無幸矣  
 昔歐氏義官張鏡姑晏氏

大理叢書·金石篇

10

主編 楊世鈺

本篇主編 張樹芳

大理叢書

大理叢書

楚圖南題

# 第一冊

## 孟孝琚碑

□□□□□□□□丙申月，建臨卯嚴道君曾孫武陽令之少息孟廣宗卒（一行）。□□□□□□□□遂，廣四歲失母，十二隨官。受韓詩，兼通孝經二卷。博覽（二行）□□□□□□□□改名爲琚，字孝琚。閔其敦仁，爲問蜀郡何彥珍女，未娶（三行）□□□□□□□□，十月癸卯於塋西起墳，十一月乙卯，平下懷抱之恩心（四行）□□□□□□□□其辭曰（五行）：

□□□□□□□□結。四時不和，害氣蕃溢。嗟命何辜，獨遭斯疾。中夜奄喪（六行），□□□□□□□□。□□□□□□炎，忽然遠遊。將即幽都，歸于電丘。涼風滲淋，寒水北流（七行）。□□□□□□□□期。痛哉仁人，積德若滋。孔子大聖，抱道不施。尚困於世（八行），□□□□□□□□。□□□□□□淵，亦遇此菑。守善不報，自古有之。非獨孝琚，遭逢百離（九行）。□□□□□□□□覆。恨不伸志，翻揚隆洽。身滅名存，美稱修飭。勉崇素意（十行），□□□□□□□□。□□□□□□晴，流惠後昆。四時祭祀，煙火連延。萬歲不絕，助於後人（十一行）。□□□□□□□□失難，顏路哭回孔尼魚。滄臺忿怒投流河，世所不聞如（十二行）□□□□。

（上闕）武陽主簿李橋字文平，古佐黃羊字仲興（十三行）（上闕）記李昂字輔謀，鈴下任驛（下闕）（十四行）

## 爨龍驤墓碑

泰和五年，歲在（一行）辛未正月八（二行）日戊寅立（三行）爨龍驤之墓（四行）。

## 爨寶子碑

（以下爲上欄）

君諱寶子，字寶子，建寧同樂人也。君少稟瓌偉之質，長挺高邁之操。通曠清恪（一行），發自天然。冰潔簡靜，道兼行葦。淳粹之德，戎晉歸仁。九皋唱於名響，東帛集於（二

行）閭庭。抽簪俟駕，朝野詠歌。州主簿、治中、別駕、舉秀才、本郡太守，寧撫氓庶，物物（三行）得所。春秋廿三，寢疾喪官。莫不嗟痛，人百其躬，情慟發中，相與銘誄，休揚令終（四行），永顯勿翦。其辭曰（五行）：

山嶽吐精，海誕階光。穆穆君侯，震響璿璣。弱冠稱仁，詠歌朝鄉。在陰嘉和，處淵（六行）流芳。宮宇數刃，循得其牆。馨隨風烈，耀與雲揚。鴻漸羽儀，龍騰鳳翔。矯翮凌霄（七行），將賓乎王。鳴鸞紫閣，濯纓滄浪。庶民子來，繫維同嚮。周遵絆馬，曷能赦放。位才（八行）之緒，遂居本邦。志業方熙，道隆黃裳。當保南岳，不騫不崩。享（享）年不永，一既始倡（九行）。如何不吊，戮我貞良。回柩聖姿，影命不長。自非金石，榮枯有常。幽潛玄穹，攜手（十行）顏張。至人無想，江湖相忘。於穆不已，肅雍顯相。永惟平素，感慟愴懷。林宗沒矣（十一行），令名遐彰。爰銘斯誄，庶存甘棠。嗚呼哀哉（十二行）！

大享四年歲在乙巳四月上旬立（十三行）。

（以下爲下欄）

主簿楊磐（一行），錄事孟慎（二行），西曹陳勃（三行），都督文札（四行），都督董徹（五行），省事陳奴（六行），省事楊賢（七行），古佐李仇（八行），古佐劉兒（九行），幹吏任叔（十行），幹吏毛札（十一行），小吏楊利（十二行），威儀王（十三行）。

## 爨龍顏碑

君諱龍顏，字仕德，建寧同樂縣人。其先世則少固而不傾。夏（一行）后之盛，敷陳五教，勳隆九土。純化洽於千古，仁功播於萬祀。故乃耀輝西岳，霸王郢楚。子文

銘德於春秋，班朗紹蹤於（二行）季葉。陽九運否，蟬蛻河東，逍遙中原。班彪刪定漢記，班固述修道訓。爰暨漢末，菜邑於爨，因氏族焉。姻婭媾於公族，振（三行）纓蕃乎王室。迺祖肅，魏尚書僕射，河南尹，位均九例，舒翮中朝。遷運庸蜀，流海南人，樹安九世。千柯繁茂，萬葉雲興。鄉（四行）望標於四姓，逸冠顯於上京。英豪繼體，於茲而美。祖，晉寧、

建寧二郡太守、龍驤將軍、寧州刺史。考，龍驤輔國將軍、八郡（五行）監軍、晉寧建寧二郡太守，追謚寧州刺史、邛都縣侯。金紫累跡，朱黻充庭。君承尚書之玄孫，監軍之令子也。容貌瑋於（六行）時倫，貞操超於門友。溫良沖挹，在家必問。本州禮命主簿，不就。三辟別駕從事史，正式當朝，靖拱

端右。仁篤顯於朝野（七行），清名扇於遐邇。舉義熙十年秀才，除郎中。相（西鎮，遷南蠻府行參軍，除試守建寧太守。剖符本邦，衣錦晝遊，民歌其（八行）德，士詠其風。於是貫伍鄉朝，本州司馬長史。而君素懷慷慨，志存遠御。萬里歸闕，除散騎侍郎。進無倜容，退無慍色。忠（九行）誠簡於帝心，芳風宣於天邑。除龍驤將軍，試守晉寧太守，輟車越斧，金章紫綬，榮戟幢幟，襲封邛都縣侯。歲在壬申，百（十行）六遷豐州土擾亂，東南二境，凶豎狼暴，緬戎寇場。君收合精銳五千之衆，身仇矢石，撲碎千計，肅清邊嶠。君南中磐石（十一行），人情歸望，遷本號龍驤將軍、護鎮蠻校尉、寧州刺史、邛都縣侯。君姿瑛雄之高略，敦純懿之弘度，獨步南境，卓爾不羣（十二行）。雖子產之在鄭，箴以加焉。是以蘭聲既暢，福隆俊嗣者矣，自非愷悌君子，孰能若斯也哉！昊天不吊，寢疾彌篤，享年六（十三行）十一歲，在丙戌十二月上旬薨。黎庶痛悼，宋夷傷懷。天朝遠感，追贈中牢之饋也。故吏建寧趙次之、巴郡杜長子等仰（十四行）懷仁德，永慕玄澤，刊石樹碑，褒尚烈烈。其頌曰（十五行）：

巍巍靈山，峻高迢迢。或躍在荆，龍飛紫閣。邈邈君侯，天姿瑛哲。縉紳踵門，揚名四外。東帛芟芟，禮聘交會。優遊南境，恩（十六行）沾四裔。撫何方岳，勝殘去煞。悠哉明后，德重道融。網繆七經，寔寔匪躬。鳳翔京邑，曾閔比蹤。如何不吊，遇此繁霜。良木（十七行）摧枯，光暉潛藏。在三感慕，孝友哀傷。銘邇玄石，千載垂功（十八行）。

祖已薨背，考志存銘記，良願不遂，奄然早終。嗣孫碩子等及乎哀感，仰尋彝訓，永慕高蹤。控勒在三，仲秋七月，登山采（十九行）石，樹立玄碑。表殊勳於當世，流芳風於千代，故記之（二十行）。

寧州長子麟弘早終，次弟麟紹，次弟麟暄，次弟麟崇等建樹此碑（二十一行）。

大明二年歲在戊戌九月上旬壬子朔。

嗣孫碩子、碩、碩緬、碩萬、碩思、碩、碩羅、碩、碩、碩俗等立(二十二行)。

匠碑府主簿益州杜長子(二十三行)。

文建寧鑿道慶作(二十四行)。

(以下為碑陰)

(上欄)：

府長史建寧鑿道文(一行)，

司馬建寧鑿德民(二行)，

錄事參軍武昌郡劉觀(三行)，

功曹參軍建寧孟慶倫(四行)，

倉曹參軍建寧鑿碩宣(五行)，

戶曹參軍建寧周賢(六行)，

屯兵參軍雁門郡王□文(七行)，

府功曹建寧鑿敷(八行)，

主簿建寧趙道生(九行)，

別駕建寧鑿敬祖(十行)，

治中晉寧趙世復(十一行)，

主簿建寧鑿德融(十二行)，

主簿建寧孟叔明(十三行)，

西曹益寧楊琮子(十四行)，

西曹晉寧路雄(十五行)。

(中欄)：

鎮蠻長史建寧鑿世明(一行)，

司馬建寧鑿順靖(二行)，

錄事參軍建寧毛璋子(三行)，

功曹參軍朱提李融之(四行)，

倉曹參軍牂柯謝國子(五行)，

戶曹參軍南廣楊道育(六行)，

屯兵參軍建寧鑿孫記(七行)，

蠻府功曹建寧李延祖(八行)，

主簿建寧孟令孫(九行)，

主簿建寧孟順德(十行)，

門下建寧鑿連迫(十一行)，

錄事弋陽郡舒征(十二行)，

西曹建寧周令活(十三行)。

戶曹建寧陳世敬(十四行)，

省事安上興稚圭(十五行)，

書佐建寧孟羅(十六行)，

幹張孫萌(十七行)。

(下欄)：

錄事孟林(一行)，

西曹劉道善(二行)，

戶曹尹仲寧(三行)，

記室張叔熬(四行)，

朝直張世保(五行)，

麾下都督王道盈(六行)，

□□彥頭(七行)，

□□□文(八行)，

□□康(九行)，

門下張尋(十行)，

錄事萬敬(十一行)，

西曹尹開(十二行)，

戶曹休叔子(十三行)，

省事李道學(十四行)，

書佐單仲(十五行)，

幹盛慶子(十六行)。

### 大周故河東州刺史之碑

唐朝故使持節河東州諸軍事、河東州刺史、上護軍王君君碑銘並序。

成都閭丘均文。

長子雲麾將軍行左鷹揚衛翊府中郎將(一行)、使持節河東州諸軍事、兼河東州刺史、上輕車都尉、新昌縣開國子、公士王善實自書(二行)。

夫神有所服謂之威，名有所宗謂之德，威非大者則不能以率服，德非厚者則不能以獨宗。是故靈鳳騰絕於雲氣，附從衆鳥，猛虎耽(三行)踞於山林，震恐百獸。豈其絳飾毛羽，以求嘉類之殊，磨利爪牙，以取雄羣之勢，蓋云材，力所素出，苞象所自全，固其然也。抑聞楮汗明(四行)珠，多從於西域，異物奇玩，必致於南州。期於服用法駕，充光內府

千金，是資萬乘為器者，何必顧池隍而先貴，黜幽荒而靡錄哉！君諱(五行)仁求，安寧郡人也，其胄出於太原，因遷播而在焉，十有餘世。氏族之系，肇命王子，著顯之美，稱高汾晉。若忠節義氣，祖續於家風(六行)。佐代經時，歷書於史筆。故知今古，無及其詳。昔有夏之衰，棄稷不務。至乎不甯，用失其官，自竄於戎狄之間，莫怠於先君之業。守以敦(七行)篤，奉以忠信。奕世載德，不忝前人。擬之其倫，庶以匹合。清懿有矚，所居必聞。而太伯逃吳，文身之風既習，少卿降虜，囊燈之化無違。夫(八行)豈厭厥典文，甘心樸野？事有興適，安土恒尚其宜，時或可從，愛禮必同其欲。祖瀾，隨別駕，幹具英爽，風理軒適。鷹揚推於顯化，驥(九行)足整於長途。轉隨大都督。身日律度，材者梓漆，劉弘望賢於十部，陶侃榮重於八州。君遇行運之秀，德膺鬼神之密。會道與其(十行)貌，天竄乃聰。明在懷，瓌寶溢目。謂海蓋廣，宏量滄澹而愈深，謂山蓋高，巖容隆逸而難仰。智則有達，明則能通。推可而斯行，擇善而(十一行)後動。不事於所欲，不為於所求。和說所以久持，貞果所以立斷，倫叙多其信行，州里高其義聲，大略觀書，知風聽樂。擊劍盡騰猿之術(十二行)，操弓過飲羽之妙。可以往祝爾事，匡節有邦。故王制輔成以備貢賦，至於五千里，州十二師。外薄四海，咸建五長。君有運理羣物之才(十三行)，懷嘉保邊裔之略。無待累次，宜綜藩條。出身使持節河東州諸軍事、河東州刺史，加上護軍。由乎大翼負風，凌天池以絕奮，巨鱗激水(十四行)，期孟諸而一宿。若乃訓以生聚之方，開其資財之道，顓川澤之利，管山林之饒。內足以養老敬孝，外足以事上供稅。力役齊平，教化清(十五行)靜。通其變使人不倦，愛其費使人以時。賞及馬牛，恩肥土域。庶心咸服，異俗爭歸。雖未能大革情性，均之雅俗，然其一變風聲，稱為賢(十六行)吏矣。廐以將求寵於大國，以和其民人，招慰奏置姚府已西廿餘州，俾睦其德。自前漢六代，外事四夷，開夜郎之道，綏哀牢之國。凡屬(十七行)分置，聲化率流，既處於僻界荒垂，不能為中因輕重。時復廢棄，但云羈縻。君以峯形平衍，生殖豐阜，彼延企而慕思，宜郡縣以庶畜。在(十八行)乎唐運，實效其勤。孰與使者唐蒙疆略南峯，轉粟深於驚恐，發卒至於殘傷，可同論哉！然貪戾君長，負遠放

命，災我域邑，延（征）我平人（十九行）。陽瓜州刺史蒙儉實始其亂，咸亨之歲，犬羊大擾，梟將失律，元兇莫懲。君武則賊闕，義以憤惋，擐犀衣以奮擊，驅虎旅而先登。滅其猖（二十行）狂之種，殲厥連誅之師。遐垠是賴，到於今而克寧。勳在王室，藏於盟府。則侯子綺吾，破虜截級，中因蒙其惠，帝王勞其身。曾何足尚，嚴（二十一）遵所謂周密無形為計謀主，堅強不變為國家柱者已。嗚呼！舟日故矣，誰留於變化？梁其壞乎，已非於疇昔。聖賢皆死，天道謂何？粵咸（二十二行）亨五年八⑤十五⑥寢疾而終，春秋卅四。長子雲麾將軍、行左鷹揚衛翊府中郎將使持節河東州諸軍事、河東州刺史、上輕車都尉（二十三行）、新昌縣開國子、公士善寶，炳靈滇水，降神禺山，端儼有望，簡貴不雜。音儀朗乎秋⑤，詞令潤乎春雲。如蘭之精，猶金之利。能慈能惠，不（二十四行）忌不剋。誠立無易於暗昏，言出必應於遠邇。故能保世滋大，昭前之光。嗚將驚人，飛而食肉。張博望收虜於屬國，魏獻子受樂於和戎（二十五行）。功熙亮采，職庇中外，雖則符守方鎮，恒以宿衛京都。至於朝廷爵班之儀，彝倫上下之序，樂懸禮物之數，軍麾因憲之容，莫不悉懷胸（二十六行）襟，流入骨髓。乃感念追遠，永言孝思。污隆適從，無所失道。則時兼有，執而能修，張於神明之器，附於紱衾之物。崇其封塋，設此銘表，鬱（二十七行）鬱潤澤，白虎之候可占；洪洪博平，雄龍之象終吉。故其土性淳質，有如上代，安錯儀軌弗踐，終經。聞斯行諸，宜我告始，則知禮禁合葬（二十八行），自周公而乃來，古不高墳，傳孔丘而共立。固非率而作者，聊使於事業，迹而用者，遂成於典謨。夫身已沒而名不盡，世彌久而功愈劬（二十九行）。凡百彥哲，託乎鐫紀。一稱至行，二美具存，愛之斯錄之矣，敬之斯盡其道焉。銘曰（三十行）：

先王疆理，其義實睦。小國附庸，罔弗祗服。聖人在位，羣生蒙福。實育駿賢，為之司牧。翼翼夫子，守終純固。振鱗洪波，驥首天路。開置郡（三十一行）道，招攜款慕。平此凶驕，掃茲氛霧。高烈時暢，懋賞惟嘉。敦愛種落，輔助邦家。嘗聞仁善，享壽宜遐。奈何不續，黃鳥嗟嗟。先以遠⑥，安其（三十二行）宅兆。墓門將閉，陰堂不曉。霖漠隴煙，哀棲山鳥。行人墮淚，空見銘表（三十三行）。

璧曆元垂，丑匪拾柒⑦葬，其年拾匪拾⑧立（三十四行）。（何遜錄文）

### 南詔德化碑

恭聞清濁初分，運陰陽而生萬物。川嶽既列，樹元首而定八方。故知懸象著明，莫大於日月。崇高辨位，莫大於君臣。道治則中外寧，政乖必風雅變。豈世情而致，抑天理之常。我贊普鍾蒙國大詔，性業合道，智觀未萌。隨世運機，觀宜撫眾。退不負德，進不愆容者也。王姓蒙，字閣羅鳳，大唐特進雲南王越國公開府儀同三司之長子也。應靈傑秀，含章挺生。日角標奇，龍文表貴。始乎王之在儲府，道隆三善，位即重離。不讀非聖之書，嘗學字人之術。撫軍屢聞成績，監國每著家聲。唐朝授右領軍衛大將軍兼陽瓜州刺史。泊先詔與御史嚴正誨謀靜邊寇，先王統軍打石橋城，差詔與嚴正誨攻石和子。父子分師，兩殄兇醜，加左領軍衛大將軍。無何，又與中使王承訓同破劍川，忠績載揚，賞延於嗣，遷左金吾衛大將軍。而官以材遷，功由幹立，朝廷照鑒，委任兵權，尋拜特進都知兵馬大將。二河既宅，五詔已平。南國止戈，北朝分政。而越析詔餘孽于贈，恃鐸稍，騙瀘江，結彼兇渠，擾我邊鄙。飛書遣將，皆輒拒違。詔弱冠之年，已負英斷。恨茲殘醜，敢逆大邦。固請自征，志在夷掃。梟于贈之頭，傾伏藏之穴。鐸稍盡獲，寶物並歸。解君父之憂，靜邊隅之擾。制使奏聞，酬上柱國。天寶七載，先王即世。皇上念功旌孝，悼往撫存，遣中使黎敬義持冊製雲南王。長男鳳迦異時年十歲，以天寶入朝，授鴻臚少卿。因冊製次，又加授上卿兼陽瓜州刺史都知兵馬大將。既御厚眷，思竭忠誠。子弟朝不絕書，進獻府無餘月。將謂君臣一德，內外無欺。豈期奸佞亂常，撫虐生變。初，節度章仇兼瓊，不量成敗，妄奏是非。遣越嵩都督竹靈倩置府東襲，通路安南。賦重役繁，政苛人弊。被南寧州都督襲歸王，昆州刺史襲日進，黎州刺史襲祺，求州守懿，螺山大鬼主襲彥昌，南寧州大鬼主襲崇道等，陷煞竹靈倩，兼破安寧。天恩降中使孫希莊，御史韓洽，都督李宓等，委先詔招討。諸襲畏威懷德，再置安寧。其李宓忘國家大計，躡章仇詭蹤，務求進官榮。必阻扇東襲，遂激崇道，令煞歸王。議者紛紜，人各有志。王

務遏亂萌，思紹先績。乃命大軍將段忠國等與中使黎敬義、都督李宓，又赴安寧，再和諸襲。而李宓矯偽居心，尚行反間。更令崇道謀煞日進。東襲諸酋，並皆驚怨。曰：歸王，崇道叔也，日進，弟也。信彼說構，煞戮至親。骨肉既自相屠，天地之所不祐。乃各興師，召我同討。李宓外形忠正，佯假我郡兵，內蘊奸欺，妄陳我違背。賴節度郭虛己仁鑒，方表我無辜。李宓尋被貶流，崇道因而亡潰。又越嵩都督張虔陀，嘗任雲南別駕。以其舊識風宜，表奏請為都督。而反誑惑中禁，職起亂階。吐蕃是漢積讎，遂與陰謀，擬共滅我。一也。誠節，王之庶弟，以其不忠不孝，貶在長沙，而彼奏歸，擬令間我。二也。崇道蔑盟構逆，罪合誅夷，而卻收錄與宿，欲令離我。三也。應與我惡者，並授官榮。與我好者，咸遭抑屈，務在下我。四也。築城收質，繕甲練兵，密欲襲我。五也。重科白直，倍稅軍糧，徵求無度，務欲敵我。六也。於時馳表上陳，縷申冤枉。皇上照察，降中使賈奇俊詳覆。屬豎臣無政，事以賄成。一信虔陀，共掩天聽，惡奏我將叛。王乃仰天嘆曰：嗟我無事，上蒼可鑒。九重天子，難承咫尺之顏。萬里忠臣，豈受奸邪之害。即差軍將楊羅頗等連表控告。豈謂天高聽遠，蠅點成瑕。雖布腹心，不蒙矜察。管內酋渠等皆曰：主辱臣死，我實當之。自可齊心戮力，致命全人。安得知難不防，坐招傾敗。於此差大軍將王毗雙羅時牟直等揚兵送檄，問罪府城。自秋畢冬，故延時序，尚佇王命，冀雪事由。豈意節度使鮮于仲通已統大軍取南谿路下，大將軍李暉從會同路進，安南都督王知進自步頭路人。既數道合，勢不可守株。乃宣號令，誠師徒，四面攻圍，三軍齊奮。先靈冥祐，神炬助威。天人協心，軍郡全拔。虔陀飲醜，寮庶出走。王以為惡止虔陀，罪豈加眾，舉城移置，猶為後圖。即便就安寧再申衷懇。城使王克昭執惑味權，繼違拒請。遣大軍將李克鐸等帥師伐之。我直彼曲，城破將亡。而仲通大軍已至曲，靖。又差首領楊子分並雲南錄事參軍姜如之齋狀披雪。往因張卿說構，遂令蕃漢生猜。贊普今見觀聲浪穹，或以眾相導，或以利相導。儼若蚌鷸交守，恐為漁父所擒。伏乞居存見亡，在得思失。府城復置，幸容自新。仲通殊不招承，勁至江口。我又切陳丹款，至于再三。仲通拂諫棄親，阻兵安忍。吐發唯言屠戮，行使皆被詆呵。仍前差

將軍王天運帥領驍雄，自點蒼山西，欲腹背交襲。於是具牲牢，設壇，叩頭流血曰：我自古及今，爲漢不侵不叛之臣。今節度背好貪功，欲致無上無君之討。敢昭告於皇天后土。史祝盡詞，東北稽首。舉國痛切，山川黯黯。至誠感神，風雨震霽。遂宣言曰：彼若納我，猶吾君也。今不我納，即吾讎也。斷軍之機，疑事之賊。乃召卒伍，擱登陴，謂左右曰：夫至忠不可以無主，至孝不可以無家。即差首領楊利□等於浪穹參吐蕃御史論贊贊。御史通變察情，分師入救。時中丞大軍出陳江口。王審孤虛，觀向背，縱兵親擊，大敗彼師。因命長男鳳迥異，大軍將段全葛等於丘遷和拒山後贊軍。王天運懸首轅門，中丞逃師夜遁。軍吏欲追之，詔曰：止。君子不欲多上人，況敢凌天子乎？苟自救也，社稷無殞多矣。既而合謀曰：小能勝大禍之胎，親仁善鄰國之寶。遂遣男鐸傳舊、大酋望趙佺鄧、楊傳磨侔及子弟六十人，齎重帛珍寶等物，西朝獻凱。屬贊普仁明，重酬我勳效。遂命宰相倚祥葉樂持金冠、錦袍、金寶帶、金帳牀、安扛傘、鞍銀獸及器皿、珂貝、珠毯、衣服、馳馬、牛鞍等，賜爲兄弟之國。天寶十一載正月一日，於鄧州册詔爲贊普鍾南國大詔。授長男鳳迥異大瑟瑟告身，都知兵馬大將。凡在官僚，寵幸咸被。山河約誓，永固維城。改年爲贊普鍾元年。二年，漢帝又命漢中郡太守司空襲禮、內使賈奇俊帥師再置姚府，以將軍賈瓏爲都督，僉曰：漢不務德，而以力爭，若不速除，恐爲後患。遂差軍將王丘各絕其糧道。又差大軍將洪光乘等，神川都知兵馬使論綺里徐同固府城，信宿未諭，破如拉朽。賈瓏面縛，士卒全驅。三年，漢又命前雲南郡都督兼侍御史李宓，廣府節度何履光，中使薩道懸遜，惣秦隴英豪，兼安南子弟，頓營隴坪，廣布軍威。乃舟楫備修，擬水陸俱進。遂令軍將王樂寬等潛軍製造船之師，伏屍偏毘舍之野。李宓猶不量力，進逼遼川。時神川都知兵馬使論綺里徐來救，已至巴躡山。我命大軍將段附克等內外相應，競角競衝。彼弓不暇張，刃不及發，白日晦景，紅塵翳天，流血成川，積屍壅水，三軍潰，元帥沉江。詔曰：生雖禍之始，死乃怨之終。豈顧前非而亡大禮？遂收亡將等屍，祭而葬之，以存恩舊。五年，范陽節度安祿山竊據河、洛，開元帝出居江、劍。贊普差御史贊郎羅于惹結齋勸書曰：樹德務滋長，

去惡務除本。越嵩、會同，謀多在我，圖之此爲美也。詔恭承上命，即遣大軍將洪光乘、杜羅盛、段附克、趙附于望、羅遷、王遷、羅奉、清平官趙佺鄧等，統細于藩從昆明路，及宰相倚祥葉樂、節度尚檢贊同伐越嵩。詔親帥大子藩固逼會同。越嵩固拒被夷，會同請降無害。子女玉帛，百里塞途。牛羊積儲，一月館穀。六年，漢復置越嵩，以楊庭璠爲都督，兼固臺登。贊普使來曰：漢今更置越嵩，作援昆明，若不再除，恐成滋蔓。既舉奉明旨，乃遣長男鳳迥異駐軍瀘水，權事制宜。令大軍將楊傳磨侔等與軍將欺急歷如數道齊入。越嵩再掃，臺登滌除。都督見擒，兵士盡虜。於是揚兵邛部，而漢將大奔，迴旆昆明，傾城稽顙。可謂紹家繼業，世不乏賢。昔十萬橫行，七擒縱略，未足多也。爰有尋傳，疇壞沃饒，人物殷湊。南通渤海，西近大秦。開闢以來，聲教所不及，義皇之後，兵甲所不加。詔欲革之以衣冠，化之以義禮。十一年冬，親與寮佐兼總師徒，刊木通道，造舟爲梁。耀以威武，喻以文辭。款降者撫慰安居，抵捍者繫頸盈貫。矜愚解縛，擇勝置城。裸形不討自來，祁鮮望風而至。且安寧雄鎮，諸蠻要衝。山對碧雞，波環碣石。鹽池映掌，利及牂歌。城邑綿延，勢連戎楚。乃置城監，用輯攜離。遠近因依，固固櫛比。十二年冬，詔候隙省方，觀俗恤隱。次昆川，審形勢。言山河可以作藩屏，川陸可以養人民。十四年春，命長男鳳迥異於昆川置拓東城，居二詔，佐鎮撫。於是威懾步頭，恩收曲，靖。頌語所及，翕然俯從。我王氣受中和，德含覆育。才出人右，辯稱世雄。高視則卓爾萬尋，運籌則決勝千里。觀變而動，因利興功。事協神衷，有如天啓。故能攻城挫敵，取勝如神。以危易安，轉禍爲福。紹開祖業，宏覃王猷。坐南面以稱孤，統東偏而作主。然後脩文習武，官設百司。列尊叙卑，位分九等。闢三教，實四門。陰陽序而日月不愆，賞罰明而奸邪屏迹。通三才而制禮，用六府以經邦。信及豚魚，恩霑草木。庀塞流潦，高原爲稻黍之田，疏決陂池，下隰樹園林之業。易貧成富，徒有之無。家饒五畝之桑，國貯九年之廩。蕩穢之恩，屢沾益動。珍帛之惠，徧及耆年。設險防非，憑隘起堅城之固；靈津蠲疾，重巖湧湯沐之泉。越賧天馬生郊，大利流波濯錦。西開尋傳，祿輶出麗水之金；北接陽山，會川收瑟瑟之寶。南荒濟湊，覆詔願爲外臣；東繫

悉歸，步頭已成內境。建都鎮塞，銀生於黑背之鄉，候隙省方，駕憩於洞庭之野。蓋由人傑地靈，物華氣秀者也。於是犀象珍奇，貢獻畢至；東西南北，煙塵不飛。遐邇無剽掠之虞，黔首有鼓舞之泰。乃能驥首邛南，平眸海表。豈惟我鍾王之自致，實賴我聖神天帝贊普德被無垠，威加有截。春雲布而萬物普潤，霜風下而四海颯秋。故能取亂攻昧，定京邑以息民。兼弱侮亡，册漢帝而繼好。時清平官段忠國、段尋佺等咸曰：有國而致理，君主之美也。有美而無揚，臣子之過也。夫德以立功，功以建業。業成不紀，後嗣何觀。可以刊石勒碑，志功頌德，用傳不朽，俾達將來。蠻盛家世漢臣，八王稱乎晉業。鍾銘代襲，百世定於當朝。生遇不天，再罹衰敗。賴先君之遺德，沐求舊之鴻恩，改委清平，用兼耳目。心懷吉甫，愧無贊於周詩；志效奚斯，願齊聲於魯頌。紀功述績，寔曰鴻徽。自顧下才，敢題風烈。其詞曰：

降祉自天，福流後胤。瑞應匪虛，禎祥必信。聖主分憂，遐夷聲振。襲久傳封，受符兼印。（其一）

兼瓊乘節，食榮構亂。開路安南，政殘東爨。竹倩見屠，官師潰散。賴我先王，懷柔伏叛。（其二）

祚不乏賢，先猷是繼。郡守詭隨，貶身遐裔。禍連虔陀，亂深豎髮。殃咎匪他，途豕自殲。（其三）

仲通制節，不詢長久。徵兵海隅，頓營江口。矢心不納，白刃相守。謀用不臧，逃師夜走。（其四）

漢不務德，而以力爭。興師命將，置府層城。三軍往討，一舉而平。面縛群吏，馳獻天庭。（其五）

李宓愆戎，猶尋覆轍。水戰陸攻，援孤糧絕。勢屈謀窮，軍殘身滅。祭而葬之，情由故設。（其六）

贊普仁明，審知機變。漢德方衰，邊城絕援。御我兵戎，攻彼郡縣。越嵩有征，會同無戰。（其七）

英雄嫡嗣，高名英烈。惟孝惟忠，乃明乃哲。性惟溫良，才稱人傑。邛瀘一掃，軍郡雙滅。（其八）

觀兵尋傳，舉國來賓。巡幸東爨，懷德歸仁。碧海效祉，金穴薦珍。人無常主，惟賢是親。（其九）

土宇克開，煙塵載寢。轂擊犁坑，輯熙群品。出入連城，光揚衣錦。業留萬代之基，倉貯九年之廩。（其十）

明明贊普，揚干之光。赫赫我王，實賴之昌。化及有土，



業著無壘。河帶山礪，地久天長。(其十一)

辯稱世雄，才出人右。信及豚魚，潤深瓊玖。德以建功，是謂不朽。石以刊銘，可長可久。(其十二)

碑陰

(上闕)帶段忠國 清平官大軍將大金告身賞錦袍金帶(下闕)

(上闕)重皮衣楊傍佺 清平官小頗彌告身賞錦袍金帶(下闕)

(上闕)頗彌告身賞二色綾袍金帶鑿守 清平官大金告(下闕)

(上闕)李買 大軍將開南城大軍將大告身(下闕)

(上闕)大大重皮衣趙眉丘 大軍將士曹長大頗彌 賞紫袍金(下闕)

(上闕)衣揚細 大軍將賞二色綾袍金帶王琮鐸 大軍 大軍將賞二色綾袍金帶(下闕)

(上闕)袍金帶兼大大重皮衣張驪羅于 大軍將前 戶曹長拓東城大軍將身賞二色綾(下闕)

(上闕)綾袍金帶王波鐸 大軍將前法曹長大頗彌 告身賞二色綾袍金帶楊 賞二(下闕)

(上闕)軍將小金告身賞二色綾袍金帶楊羅望 大 軍將小金告身賞錦袍金帶(下闕)

(上闕)大軍將賞二色綾袍金帶尹瑳遷 大軍將小 金告身賞紫袍金帶楊龍棟 二色(下

(上闕)身賞二色綾袍金帶尹附首 大軍將賞紫袍 金帶趙瑳 大軍將兵曹 紫袍金帶

趙逸羅(下闕)

(上闕)色綾袍金帶兼大大重皮衣孟綽望 軍將士 曹長小銀告身賞紫袍金帶楊鄧佺 法曹長小頗

彌告身賞 綾袍(下闕)

(上闕)大軍將小銀告身賞二色綾袍金帶楊各酋 大軍將賞二色綾袍金帶趙龍細利 客曹 彌告身 賞二色綾袍楊利成(下闕)

(上闕)賞二色綾袍金帶 羅疋 大軍將兵曹長

小頗彌告身賞紫袍金帶段君利 大軍將 小銀告 身賞(下闕)

(上闕)大軍將小銀告身賞二色綾袍金帶尹 大軍將小銅 綾袍金帶周(下闕)

(上闕)賞二色綾袍金帶唐首統 大軍將賞紫袍金 帶喻首直 大軍將賞二色(下闕)

(上闕)倉曹長小銀告身賞二色綾袍金帶兼大大重皮 衣盛顏 大軍將賞紫袍金帶(下闕)

(上闕)安定 大總管小銀告身賞二色綾袍金帶兼 大大重皮衣 軍將法曹(下闕)

(上闕)綾袍金帶洪羅棟 大總管小銅告身賞二色 綾袍金帶 軍將兼 (下闕)

(上闕)色綾袍金帶段旋忙湊 軍將戶曹長小銅告 身賞紫袍金帶 堅 大總管(下闕)

(上闕)柅湊 軍將羣牧大使小銀告身賞紫袍金帶 楊瑳白奇 都軍謀兼知表誥小銀告身 銅(下闕)

(上闕)和 大總管兼押衙小鑰石告身賞二色綾袍 金帶石覆直 大軍將小銀告身 段琮 邏(下

(上闕)帶李奴鄧 客曹長賞紫袍金帶王 大軍將小頗彌告身 帶 諾地(下闕)

(上闕)彌告身賞紫袍金帶阿忍 大軍將賞紫袍金 帶通本 大軍將小頗彌 紫(下闕)

(上闕)大軍將賞二色綾袍金帶黑紫羅眉 大軍將 賞紫袍金帶(下闕)

(上闕)大 編賞紫袍金帶孫白伽 軍將小鑰石告 身賞紫袍(下闕)

(上闕)軍將賞紫袍金帶兼大大重皮衣劉望 軍 將賞 袍金帶兼(下闕)

(上闕)軍將前兵曹 官小銅告身賞紫袍金帶杜顏伽 帶兼 賞(下闕)

(上闕)趙充 直 軍將兵曹副小銀告身賞紫袍金 帶(下闕)

(上闕)盛 軍將士曹副賞紫袍金帶楊鄧四羅

袍金帶(下闕)

(上闕)軍將大鑰石告身賞紫袍金帶段 將(下

金帶 羅 將(下

(上闕)伽瑳 軍將賞紫袍金帶楊溥波羅 身賞(下闕)

(上闕)軍將兼人佐楊邏斂 軍將賞紫(下闕)

(上闕)紫袍金帶尹求寬 軍將 金帶 楊 賞紫(下闕)

(上闕)將賞紫袍金帶張趙邏 軍將賞紫袍金帶 金帶(下闕)

(上闕)軍將賞紫袍金帶 利 軍將賞紫袍金帶 小銅(下闕)

(上闕)敝 詔親大軍將大金告身賞二色綾袍金帶 李外成直 錦袍(下闕)

(上闕)軍將兼白崖城大軍將大金告身賞二色綾袍金 帶李(下闕)

(上闕)詔親大軍將小銀告身賞二色綾袍金帶李些豐 溥(下闕)

(上闕)詔親大軍將賞二色綾袍金帶放直 詔親(下 闕)

(上闕)金告身賞錦袍金帶獨磨(下闕)

袁滋奉旨冊封南詔開石門路題記摩崖

大唐貞元十年歲次甲戌九月廿日，雲南宣慰使

(一行)內給事俱文珍、判官劉幽巖、小使吐突承璀、(二 行)持節冊南詔使御史中丞袁滋、副使成都少尹龐頤(三 行)、判官監察御史崔佐時、同奉恩命，赴雲南冊(四行)蒙 異牟尋為南詔。其時節度使尚書右僕射成都(五行)尹兼御 史大夫韋臯，差巡官監察御史馬益，統行營兵(六行)馬，開 路置驛，故刊石紀之(七行)。袁滋題(八行)。(何邦華錄 文)

### 張傍龍造像記

沙迫附尚邑(一行)三賤白張傍(二行)龍，妻盛夢和

(三行)，男龍慶、龍君(四行)、龍□、龍(五行)兒、龍千等有善因(六行)緣，敬造彌勒(七行)仏、阿彌陀仏(八行)。

因王天啓十(九行)一年七月廿(十行)五日題記(十一行)。

### 建極年號鐵柱題款

維建極十三年歲次壬辰四月庚子朔十四日癸丑建立。

### 元玫造像記

大聖聖蹟□(二行)大王及后妃、男女(二行)從者等尊容。元(三行)玫造像，昌寧記之(四行)。

### 楊和豐銅像銘文

追爲坦綽楊和豐追(一行)稱宣德(二行)大王(三行)。

按：楊和豐史無記載，坦綽爲南詔清平官，相當於宰相。此銅像應爲楊和豐之後人當權后，追封先人爲「宣德大王」，並鑄像供於塔內，以祈禱冥福。能夠追封先人爲「王」者，可能是大義寧國王楊干貞。鑄像年代應爲公元九二九—九三七年。

### 段氏與三十七部會盟碑

(上欄)

明政三年，歲次辛未，宣諭：踰奉承(一行)睿旨，統率戎行，委服皆恩，撫安(二行)邊塞。是以剪除巡衆鎮長奇宗，求(三行)州首領代連弄、兔覆、磨乃等三邑(四行)，統置巡衆鎮。以二月八日迴軍，至(五行)三月七日到石城。更討打賊郎羽(六行)芍、阿房、田洞，合集卅七部娉伽諾(七行)十二將弄略等，於四月九日斫羅(八行)沙一遍，兼頒賜職賞，故迺共約盟(九行)誓，務存久長。上對衆(十行)聖之鑒知，下揆一德而沾血(十一行)。

(下欄)

三軍都統長皇叔布燮段子琛(一行)，都監三軍禮樂爽長駙馬布燮段彥貞(二行)，彥賁敵宇覽楊連永、楊永彥(三行)，侍內官久贊段子惠、李善(四行)，督爽王清志(五行)，貼侍內官贊術揚定發(六行)，理摸拖道揚定福(七行)，隨

捫袁永智、蘇晟興(八行)。

(以下爲碑首題跋)

此卅七部會(一行)盟石城碑也。段(二行)素順明政三年(三行)辛未，當宋太祖開(四行)寶四年，迄今八百(五行)七十餘歲矣。康熙(六行)初掘土得之，爲南(七行)寧最古石刻。舊在(八行)北門外武侯祠，懷(九行)信恐年久湮沒，言(十行)於學官及諸同人(十一行)，移置城內奎閣，嵌(十二行)之壁間，俾好古者(十三行)得以考鏡焉。府教(十四行)授劉承道、訓導許(十五行)鳴謙、縣教諭趙本(十六行)崇、訓導戴誌、書院(十七行)掌教何銓、貢生陳(十八行)楹、生監劉楷張、陳(十九行)善、解安瀾、蘇彬(二十行)、喻懷誠。

道光廿(二十一)行)九年己酉七月(二十二)行)朔，邑人喻懷信(二十三)行)記(二十四)行)。(王水喬錄文)

### 大理國佛弟子議事布燮袁豆光

#### 敬造佛頂尊勝寶幢記

大理國佛弟子議事布燮袁豆光(一行)敬造佛頂尊勝寶幢記(二行)。

皇都大佛頂寺都知天下四部衆(三行)洞明儒釋慈濟大師段進全述(四行)。

原夫一氣始弁，二儀初分(五行)。三光麗於穹隆，五岳鎮於(六行)磅礴。爰有挺秀愚智，辨立(七行)君臣。掩頓於八區，牢籠於(八行)四海。隨機而設理，運義而(九行)齊風。常讀八索之書，非學(十行)六邪之典，淨邊邊寇，定遠(十一行)殄奸。東海浪澄於驚波，楚(十二行)天膏淨於讒霧。君臣一德(十三行)，州國一心，只智詰才能，乃(十四行)神謀聖運者，則袁氏祖列(十五行)之義也。由乃尊卑相承，上(十六行)下相繼。協和四海，媿同親(十七行)而相知，道握九州，訝連枝(十八行)而得意。承斯鋒銳不起，饑(十九行)荒無名。鐘鼓義而明明，玉(二十行)帛理而穆穆。可謂求人而(二十一)行)得人，亦袁氏之德也。至善(二十二)行)於高明生，則大將軍高觀(二十三)行)音明之中子也。其高明生(二十四)行)者，文列武列，萬囡口實而(二十五)行)而宣威，神氣神風，千將若摧(二十六)行)而留世。悲夫！四

大元無主(二十七)行)，五蘊空去來。天地橫興不(二十八)行)慈，大運俄將不意。哀哉！雲(二十九)行)郁鬱兮窮天喪，雨霏霏兮(三十)行)盡山悲。楚方罷暄，東京輟(三十一)行)照。本州爲兄弟之士，將相(三十二)行)怯上下之權。子

小紹運，系(三十三)行)孤亞脫。其布燮豆光者，至(三十四)行)忠不可以無主，至孝不可(三十五)行)以無親。求救術於宋王蠻(三十六)行)王，果成功於務本得本。將(三十七)行)乃后嗣踵士，化及本忠。霜(三十八)行)風令而一海[颯]秋，春雲布(三十九)行)而萬物普潤。懷其義者日(四十)行)用不知，挹其源者游泳莫(四十一)行)惻。此袁豆光蒙叨議事也(四十二)行)。聖人約法，君子用之。有德(四十三)行)而不可不傳，以何(傳)而備遠(四十四)行)，有義而不可不記，以記而(四十五)行)標常。審夕哀哀，終朝威威(四十六)行)。尋思大義，孔聖宣於追遠(四十七)行)慎終，敬問玄文，釋尊勸於(四十八)行)酬恩拜德。妙中得妙，玄理(四十九)行)知玄。善住受七返輪回，如(五十)行)來說一部勝教。曰如來智(五十一)行)弔，號尊勝寶幢。託其填隙(五十二)行)而建之，鐵圍即成極樂，臨(五十三)行)其寒林而起矣，地獄變爲(五十四)行)蓮花。即到於菩提道場，速(五十五)行)會於常寂光土。次祝非孤(五十六)行)，濟於生我育我，而先拔(五十七)行)於恩余建余。復利於重義輕(五十八)行)生，盡濟於亡身報主。大義(五十九)行)事事以懷此，敬節日日以惟新。建梵幢而圓功，勒斯(六十)行)銘而標記(六十一)行)。

### 藥師祥婦人觀音奶愛造像題記

右側題記：「大理國造像施主藥師祥婦人(一行)觀音奶愛□□□□等雕(二行)。」

左側題記：「奉爲施主藥師祥婦觀音等雕。」

### 米達拉摩崖造像題記

摩崖題記三則：

奉爲施主三遍坦綽袁袁長婦人藥師信男女造。

大聖北方多聞天王。

大聖大黑天神。

## 護法明公德運碑贊摩崖

大理國高相國公仲子之孫諱曰量成，自幼有大器。及長，思欲立大功，定寰宇，而道未（一行）合。俄然，四夷八蠻叛逆中國，途路如蝟毛，百姓離散，天不早命公，斯民墜矣。公於時領義兵，鄉勇，掃除烽燧，開拓乾坤，（二行）安州府於亂離之後，收遺民於虎口之殘，四海清肅，路不拾遺，帝勅號曰：周道，不行商道。商以誓爲（三行）實，周以會爲實。公累與諸蠻會而不曾誓，故行周道。非獨行周道，代亦周代，（四行）放，關門不閉。傳曰進（四行）賢受上賞，蔽賢受誅戮。齊有仲父，鄭有子產，竹帛稱之爲民之父母，孔子誠之爲進賢也。賢良有德，掌八（五行）絃，宗族同一心，四海爲一家。詩曰：濟濟有衆，此之謂也。語云：生而知之者，上也。公自幼孤，久失庭訓，不喜盤遊。弱冠歲餘，（六行）天地合德，日月同明，溫良五德備，六藝三術隨而有之，所謂生而知之者上也。公不閑書史，而所爲動作，皆合書史。公（七行）以禮義爲衣服，以忠信爲甲冑，以智勇爲心肝，遠之來者，割地而封之，不歸化者與兵而討之，自是天下大化。公明明心（八行）地，了了性源，與修白馬，喜建伽藍，衆山蘭若無不周備。所謂溉其根而其實，種其福而積其基。帝憫其精勤有道，爲（九行）濟民，皆在斯焉，再勅號曰護法公。公在位九年，乃讓位與其姪中因公。中因公心腹股肱爪牙，皆公之爲也。公爵地威楚（十行）府牟州石桑弄，地處威楚府西隅，去府五十里，地名微溪。山林茂盛，是賊巢穴，採樵刈草，皆爲賊所殘。公歸，創居處，建（十一行）宮室，賊散去不知其幾千里也。泉甘而山茂，公之居處。仲尼有云，仁智者也。四夷八蠻，累會於此。八方群牧，累於此。雖（十二行）行）夷狄之深仇，部曲之怨恨，到此善歸方寸，惡竟冰釋。袖刃懷刀，一時捐棄，甘辭艷語，以發喜戲。古人有云，人傑地靈也。八（十三行）絃四海間命於此，可謂大矣。樹異山靈不（十四行）松杉枝上，白雲寺庭前棲一兩瑞（十五行）明月侍座，清風掃門。喜聽法鼓明心，不聞塵囂聒耳。真負而生喜

色。況公功業蓋天地，道德（十五行）高古人，尚和光同塵，而不負自高自大之意。詩不云乎，愷悌君子（十六行），民之父母。伍員者，古之智勇忠孝之士也，見稱（十七行）尚不能忍，將吳軍而伐楚，破塚鞭骨而冤未消（十七行）。如公雖以深仇大讎，胸襟坦然，而懷不校，此皆能仁之行（十八行）大宋國建武軍進士，兩戰，畫虎無成，（十九行）南國，十有六年。蒙公清照如族，人奉命（二十行）宜，爲萬世之信書（十九行）。而發微言曰：知我者其惟春秋乎？罪我者其惟春秋乎？（二十行）也。後之高氏，其如公者，百之一二耳，尚未盡善（二十行）也。如有聰明俊傑，克己復禮，能命父（二十一行）善成功，亦高族世世之榮也與。叙之不（二十一行）足，乃作銘曰：

○出社，披位克己。相君奇，衆星共北，是水潮東（二十二行）。道貫古今，公比周公。外望，內泡真流。樂山樂水，仁哉智哉（二十三行）。紫雲繚繞，手拓山河，化洽乾坤。此後，公名永存（二十四行）。

時，建武軍進士，士奉命記，先生，謹書（二十五行）。

### 興寶寺德化銘並序

大理國上公高踰城光再建弄棟華府陽派郡興寶寺德化銘並序（一行）。

皇帝崇聖寺粉團侍郎賞米黃繡手披釋儒才照僧錄闡梨楊才照奉命撰（二行）。

蓋聞率性之謂道，妙物之謂神。混成天地之先，獨化陶均之上。體至虛之宅，無毒無門，運不隅之方，何固何執。未嘗不出入五物（三行），誰恻至變之端，周流六虛，旁行大衍之數。知太始者，由之揆務。作成物者，宗之致能。形象分而變化斯章，動靜常而剛柔乃斷。玄凝易（四行）簡之理，昭

升久大之功。引而申之，觸類而長之，天下之能事畢矣。異哉！仰觀俯察，弗昧幽明之宗，原始反終，遂知生死之說，自有（五行）適有，難保正於幻夢之常，從迷積迷，無窮況於風浪之起。至寂豈虛玄覽，大覺忽目隨眠。弗諉四誓之言，永矢大千之化。觀淨姓於（六行）日種，孰類鄙人，驗白鳥於脅生，豈疋虹渚。昭四門之遠誠，析厭馳而交懷，廿六歲之幽求，苦樂審其非道。術求甚於往證之式，濟惟（七行）新於所化之生。發神足乎道場，吉祥暫鋪草座，人慈定於樹下，波旬立勸與尸。光縱鹿園，五老頓忘於本制，德勝火室，三愚遂服於（八行）仁風。示化橋而摧我人，指恒河以明生滅。大教旁取於五性，不化而自行，法輪妙衍於三時，不言而自治。旭日照之極耀，幽菴圓鑿（九行）；動希聲之大音，盲瞶俱拆。遂使九十六種貫魚而聽命，三十六品拔茹以成群。爾微塵而開大經，傾寶藏而賑諸有。莫不十度成叙，六趣（十行）捐關。束名實者，息肩於玄園，尚清淨者，同味於大道。時來舍衛，鷲子奉命於祇園，暫上天宮，優王遂興於檀像。即穢土以開淨刹，寄（十一行）有相以述真常。欲使作三界之歸依，爲像法之洲渚，妙哉！恍惚無得而稱焉。蓋此寺者，大蒙知軍事布變揚禎之所創也（十二行）。年鐘建極，委佐兵機，抗蜀衡蕃，惟公是倚。外則弼諧帝道，事竭於君；內則翼扇真風，心亡於法。卜茲勝地，創此精藍，歲月已淹，痛哉（十三行）圯毀。有公子高踰城光者，曾祖相因明公高泰明，祖定遠將軍高明清，已備因史。考牧公高踰城生者，定遠將軍之長子也。積剛柔（十四行）之粹德，鍾岳瀆之休靈。清明在躬，鑒澄波之千傾，風神絕俗，挺巨岳之萬尋。率匡救於明朝，善彌縫於霸業。降德惟折邁種，被恩未（十五行）憚及人。戰則如神，鄙圯橋之取履，政則凝化，踵合浦之還珠。義折四豪，功高五伯。懿哉！實撫期之明哲也。公高踰城光者，數當再索（十六行），慶襲餘芬，天質自殊，龍章特異。夙蘊風雲之氣，早實仁義之懷。和順內凝，英華外發。器伐識環之歲，蘭桂有芬，志高遷洛之年，清暉（十七行）自遠。敬義無失，忠節更堅。龍行而異虺吞聲，鸚視而群翔殺我。噫！未及庭訓，傷素冠之兢兢，委事天倫，慕花萼之鞶鞶。恭盡秋霜（十八行）之戒，友垂冬日之暄。肅肅焉，穆穆焉。輸至誠於君兄，循肌膚於伯父。嗟乎！義以道合，事由

運與。不意蠅玷成瑕，南箕自遠。乃與（十九行）兄牧公及先君諸舊臣等□議曰：大義不可無方，至忠不可無主。惟其

平因大宰，定遠將軍，君臣之義最高，叔姪之分尤重。不異（二十行）霍光輔漢，姬旦匡周。盛衰惟終，安危同力，在我子孫後嗣。弁茲歷世垂休。孤立一隅，介於大國，豈不謂事之末乎？然狐猶首丘，葵（二十一）行）能衛足，不忘本也，姑可忽諸！乃與中園行成，獨興廟計。自此散從釋衡，縮甲抑戰，公兄弟之力也。至哉！難不讓於歷試，位則退以（二十二行）居謙。鬱其千里之才，擢以百成之命。奉旨則仁聲已洽，下車則清風載興。簞食壺漿，歌來甦而滿路；逸民傲吏，輟考盤以登朝。乃煦（二十三行）以秋陽，威以夏日。坐甘棠而聽訟，設庭燎以思賢。振平惠而字小人，弘義讓以勵君子。民識廉耻，咸習管子之風；家足農桑，旁盡孟（二十四行）軻之制。緝理之暇，澡德玄源。恨不手布黃金，幸齊肩於善施；日用留心白馬，庶接武於漢明。傷德本之未滋，痛斯藍之煽燬。遂乃（二十五行）俟子來之眾，鳩心竟之工。妙啓新模，式仍舊貫。喜得上棟下宇，盡合大壯之宜；矢棘翠飛，崛起斯干之勢。窮山水之幽致，溢烟霞之（二十六行）佳趣。西則松風發夕，驚聞苦空之音；南則江月殘朝，忽認靈臺之鏡；東臨霧闕，近接應供之賢；北枕平坡，遠嫌釣鑿之客。一美麗（二十七行），事事新奇。盛矣哉，信華州之嘉境也！夫作而不紀，非盛德焉。乃揖儒流，粗陳風烈。其辭曰（二十八行）：

率性曰道，妙物稱神。混成天地，獨化陶均（其一）。形象乃分，剛柔斯判。幽明迭興，生死相攬（其二）。幻夢勿固，風浪非常。至寂豈默，玄覽獨彰（其三）（二十九行）。四藉弗讓，八相斯假。瑞景固天，徵鳥衛社（其四）。四門昭戒，六載幽求。道成樹下，法演鸞頭（其五）。鷲子標藍，填主刻像。三界歸依，群生瞻仰（其六）（三十行）。偉哉此寺，肇自楊公。心亡於法，事竭於忠（其七）。創此德基，忽遭煽燬。不絕人望，挺生公子（其八）。寧祖靜域，顯考匡邊。積善餘慶，後嗣代延（其九）（三十一行）。委事天倫，敬而無失。恭履秋霜，友垂冬日（其十）。難則歷試，位乃居謙。擢以百里，德化清廉（其十一）。政理之餘，留心喜捨。想布黃金，思題白馬（其十二）（三十二行）。乃仍舊貫，式建仁祠。斯干盡制，大壯得

宜（其十三）。玄功既凝，貞珉可紀。共彼天長，盡善盡美（其十四）。

元亨二年歲在丙午七月十五日（三十三行）。

### 褒州陽派縣稽肅靈峰明帝記

褒州陽派縣稽肅靈峰明帝記。

夫自人而粹者，天之道也；自天而純者，神之道也。□天而純者，神之道焉。運乾坤而變化何窮，妙萬物而（一行）陰陽不測。至哉！自天地川嶽得其道者，無不以清以寧，以淵以靈。故流為江河，結為山嶽，山嶽者良之象也。易曰：終萬物始萬（二行）物者，莫盛乎艮。言其止而不動也。噫！含澤布氣以調五神，積高厚下而安四極，山嶽之理可得而言歟！有褒州陽派縣稽肅靈峰（三行）明帝者，德標鎮地，高極配天。秀出太虛之中，結成元氣之始。育靈孕聖，懷寶含章。誰足生甫之神，獨稱應昂之傑。千尋卓立，驚神劍（四行）行之干霄，萬仞削成，訝青蓮之出海。霏霏膏澤，豈道徐州之車，靈靈丹霞，似擁芒碭之蓋。風泉相渙，松竹共清。靈變無端，雲雷未測。蓋（五行）天府之巨鎮，此方之靈祐也。公奉命登庸，政成清謐。雅頌一變，山川為榮。顧此靈峰，鬱為保障。乃修柴望之理，備方伯之儀。霸業（六行）無窮，永申如礪之約，令聞不已，豈無勒石之功。余志望郭生，愧述崑峰之贊。才非謝子，敢題虛嶽之文。略叙風猷，以旌盛烈（七行）。

時元亨二年敦牂歲徂暑月哉生明試郎楊才照奉命記（八行）。

### 重建陽派興寶寺續置常住記

重建陽派興寶寺續置常住記（一行）。

威楚定遠縣北山住持講主用源撰。

前鶴慶路知事楊吉回書丹（二行）。

姚安路古名弄棟州，漢武帝時立為姚州（三行）。唐玄宗開元中，嵩州都督張守素破西南夷，以張虔陀為州都督，或云刺史。天寶九載，蒙氏閣羅鳳攻殺虔陀，自是遂（四行）為蒙氏所據。至大理段氏立為統矢府，又號姚府，即八府之一。又至段政嚴時封相國公高泰明之子明清為演習，即（五

行）漢之節度使也。雲南自蒙氏十三世，歷鄭趙楊三姓，未幾而復至段思平，有國以來號神武王，以高氏為大有功，而府（六行）郡州縣皆封高氏子孫，而名山大刹皆其所創也。及（七行）皇元奄有天下，前總管高武德以天歷戊辰入覲

（八行）闕庭（九行）。文宗皇帝嘉其世濟忠孝，自遠述職，賜衣尚方，賜鞍轡尚乘，楮幣綵段稱是。命陞姚州為姚安路，拜明為姚安路軍民總管（十行），授武德將軍，直隸省府，聲振諸侯，俾世襲之，今為大郡。郡治之西行十五里，有附庸曰陽派，有梵刹焉，曰興寶寺（十一行）。乃昔右族布燮楊禎所創，而大理上公高踰城光之所重修。今大理宣慰司同知副都元帥高侯者，乃昔威楚演習高（十二行），昇菴之後。廣嚴寺亦當時之傑創，而不幸寺及宗廟燬燼於乙巳之兵火。何疾威上帝，其命之多辟耶！高侯別業世居（十三行）陽派，賦性慈惠而留心佛教，尤竭力於此寺。既而創立寶坊，續置莊田，印塑經像，鐘磬法具罔不畢集。晨夕薰修之僧（十四行），不減於一十七八。梵貝鈴螺，祝贊（十五行）國家康泰，雖干戈擾攘之際，諸郡寺院摧毀過半，而茲寺賴侯之篤信得以安全。雲南自庚寅以來，王綱（綱）解紐，國異政，家（十六行）殊俗。馴致段平章薨，殘刻之流妄動邊釁，上下交兵，民墜塗炭。侯克以私濟公，賑窮貸乏，而功居多。當時因功仕至明（十七行）威將軍，姚安路同知，次任攝行本路安撫事，今進階副都元帥。侯諱實，字信山，先世鄯闡演習高智升，贈匡國總事。侯（十八行）之十二世孫侯遣介走書徵文於定遠北山，予嘉其誠意，不揆膚淺，輒為書其梗概云。

時歲在丙辰夏四月癸卯，唯止（十九行）庵用源記。

昔大元宣光六年丙辰孟秋上旬吉日碑。

蒼山石匠提舉楊通刊（二十行）。

一本寺常住，東南止大路河，西北止山頂。洗馬塘第三方尾蘭盆經地壹雙，東南北法，西高元帥，係善公種。

一在廊李慶善施神前香壹城，錢貳仟伍佰并，係楊祥楊護等總接（二十一行）。古跡諸人施金容燈香祭祀田土。

一溫水芟甸補漏廟宇地壹雙，東南西奴禾，北龍泉，係奴禾種。

一羊眼湖內佛神金容地壹雙，東西北湖，本寺種(二十行)。

一后增下甸內田地壹雙，東王通，南江，西自鳴，北法，本寺種。

一張奴施太邑下神金容並祭地壹雙，東南李政，西宅，北法，楊祥種。

一軍賢明施湖門最神金(二十三行)容地貳角，東南王通，西楊宗，北道，官昇種。

一施奴慶施白蒿場甸神金容地壹雙，東奴松，南撫局，西宗主，北道，楊祐種。

一楊祐，楊寺，楊祥地叁雙，當谷叁碩(二十四行)。

一大理段信直義施本甸神金容並祭地叁雙，東湖，南西官地，北那懷，楊祥，楊祐，楊寺種。

一楊智生施水井上神金容地貳角，東道，南北水法，西興順，楊護種(二十五行)。

高元帥寶續施地肆拾叁雙，鐘磬螺鈴，雲拔駟(驅)婦壹名，女西禺，故住持道源駟(驅)夫壹名，迦羅□□□□佛神前香貳城，地貳雙，東南北法，西本主，係本寺種(二十六行)。

一宅開地壹雙，內神金容地貳角。

一王香城地貳角，東西本主，南北道，本寺並楊成種。

一第一第二方內地肆雙，計壹拾玖畝，東西本主，南北法，充常住並藥師佛前香火(二十七行)。

一小城頭莊東地陸雙，東西本主，南法，北江，本寺種。

大姚保梨力莊地叁拾雙，內一處江丘貳拾陸雙貳角，東西北江，南山，壹處法外壹雙，東楊奴，南江，西北至法(二十八行)，一處江外叁雙，內除施護我寺壹雙，本寺貳雙，東法，南西江，北護我寺地，一處江北貳角，東道，南禾生，西江，北自香。

一高州判長施白塔邑甸地壹雙，東俸，南法，西官寺，北楊宜(二十九行)。

諸人續施：李軍、王政，男奴藥地貳雙：一處備善甸神前香地貳角，東本主，南西北法，一處白塔邑甸壹雙貳角，東北法，南江，西湖增。

一甸酋奴施白塔邑甸地壹雙，東奴通，南(三十行)北

法，西湖汪。

一李佛寶珠施白蒿場舍下地壹雙，東官竜，南北法，西善定。

一張奴男，張長，張角施羊眼湖上地貳角，東官政，南山，西杜生，北法。

一長壽塋村南石德壽廠(三十一行)張慶將元買到李勝處塔鏡湖內地壹段計叁雙，東北道。南湖，北法，充常住(三十二行)。(郭惠青錄文)

### 大理國彥賁趙興明為亡母造墓幢

大理國□□榆郡彥賁趙興明迫為慈妣(一行)婦人女娘敬造尊勝一幢。婦人女娘年(二行)得五十一歲，時郡事務三十年，則(三行)元亨十一年，歲遇乙卯。三月(四行)六日辛卯遷(仙)化，四月十日乙丑設(五行)五七齋鎮幢功畢，謹記(六行)。

□梵咒師金欄僧楊長生書。  
楊天生長彫(七行)。(文轉錄自孫太初《雲南古代石刻叢考》)

### 大理國釋氏戒淨建繪高興蘭若篆燭碑

大理國釋氏戒淨建繪高興蘭若篆燭碑並序。  
神州楊德亨撰(一行)。

原夫神而無形，太冲超忽。靈心玄覽，揜輝有以幽昇，默耀輻光，量重玄而永固。千褒殊封，集□下於其慮。萬幾頓赴，而不因其□□□□□□(二行)於動靜。所以無心則無感不應，無像則無器不形。是故託夢迦維，水鏡萬法，積諸善之慶，掃庶罪之塵，仰攀玄德，□□□□□□(三行)形倦，形以智勞。靈鑒竭於天棺，聖壽窮於雙樹。因依楊側，兜率嗣繼慈尊。輝大明以重華，崑金山而並峙。歷試玄德於後，□□□□□□□□□□(四行)燭重夜之昏，奉保身後之□。故得光被百億，日月神通，妙界乾坤。三聖圓融，二如不動。可謂不行而遠，不登而高者哉。蓋此招提者，  
釋□超□□□□□□沙(五行)門釋求鐸之所創也。慮其藩匡上罔，翼贊天庭，□罪道於包桑，連丕基於□茹。乃合

眉毫，斑彩凝麗川三迭之姿。丹矧□繹，□□□□若□□

□□□□□□(六行)鳥狀香以自馴，嵐縞穠柯，花賦碧而含顏。洵□則春色長盈，楓疏則秋熟先□。清砧聲碎，□□月殘，得陶衣於金案。辰露□□□□□□□□□□(七行)

古無虧，可謂神州之佳絨也。我桑門釋戒淨者□□□□□□

早□清愛蘭□□□□之危，未起□□□□之志，人而方已行後言

終身□□因知命□□艱□□□□□□(八行)專復履之，歸返

一根，則六用愈空，定二如而已□□□□□□□□□□□□

□□地往□開道□□□□□□□□□□(九行)拓□之能，而不培

於福利之本。故造龕□□□□□□□□□□□□□□□□

□□□□內禾地十六雙三腳。在和尾下場一雙三腳，當十八

分。□□場內□□□□□□□□□□(十行)充塋頭機地三禁。隨

細藍若，修造香花，分禾地□□□□□□□□□□□□□□

一城，隨機地三雙。又女黑洱施香二城，分一腳，佛堂前一

腳，隨城□佛□□□□□□(十一行)宅一菌釋戒超施高道下禾

地一腳，東至天王□，西至□頭□□□□□□地間禾地一分，

在□場一分。又因公高妙音護，施□長育子田禾地一分，隨

臉大坊內□□□□□□□□□□(十二行)矣摩五十，在董定□地

一腳，在羅于□高禾地二雙二腳，隨□□□□□□□□□□

一禁，在白桐鼻。宅二菌。又頭陀釋戒悟施佛前高興界內長

明燈三盞，再難□香一城，□□□□□□(十三行)分地，在邑前禾地

三腳，在白蕩谷贊禾地一腳，東至□□□□□□則，西至保□師地

至□□與□□□(十七行)，西至佛地則，隨茨禿門機地二  
 禁，又觀音普施香一城，分禾地一脚，在册齋，東至□則。  
 隨僧房二間。矣摩阻棟浪□□山大佛名□□部榮□□一群  
 □□□□佛□□□□□(十八行)歲用此功，奉福  
 天王信，家宰因公。禪師釋玄凝慮德高天險，威挫地平  
 帝，里則恒顯飛龍之勢，四溟之鷲，□□則□□□  
 □□□□□□□□□□□□□(十九行)邪，存誠之運。蒼  
 生小子，與上惠下，恕之基於我此身，包固佛劫，情□紀  
 覺，意馬無存。翻陳始終，更題□曰：太沖超忽，(下欄)  
 (二十行)至德因依，此生彼喪。托夢迦維，玄鑑斯陽。(其  
 二)□。化情將畢，懸記慈尊。欽鸞峰命，庇群動身。(其  
 三)。立此招提，永保道迹。□慮召□，果全□□。(其四)。  
 於我□民，□□壽□。開光(二十一)行)篆燭，德利人天。  
 (其五)屬乎君師，玄風大開。勒銘貞珉，庶幾盡善。(其  
 六)。定安四年皇帝無大朝戊午歲正月六日頭陀釋戒淨□  
 □□□□□□□□□□□□□□□□(二十二行)

碑身右側文二行

……空女天王□奉施仏前甘檀香□城，分香五持，禮  
 與禾地三□□，在□□西，東至□□□，西至□□界。機  
 地在□□東，西至□□□□□□□□□□(一行)□□□□  
 □東至白與界，西至應雙洪界，機地在泥白登，東至春恒  
 生界，西至□恒界。□經香與佛，代代世世供給仏前(二  
 行)。

大理國淵公塔之碑銘並序

大理國淵公塔之碑銘並序

楚州趙佑撰

淨徹昭融，精真沖邃。虛明靈體，曠闊玄微。豈可以闕  
 狹知甘澁際，稱量議其深淺。且條熏亡照之所覺，勞而照性  
 已迷。纏彼太虛之形，翳本圓明之體。四大都起，萬像交羅。  
 夢中重夢，迷裏又迷。故頭無得失之非，見有忽狂之客。自  
 此已往，相去遠矣。因差路殊，非法身大士，奚能破塵出經，  
 安往法界者。我淵公隨緣白地，誕粹於高氏之族。故相國高  
 太明之曾孫，政國公明量之孫，護法公量成之子也。母則王

女，諱成忠。厥考護法公，義武定天下，仁政洗乾坤，威行如  
 秋，仁行如考。戎夷□□遠遁，朝廷高枕而無虞。中國蒙  
 其惠，異俗振其聲。恩作造化，而澤潤草萊；德被生民，而模  
 範天下。則公之為公之子也，英姿卓茂，氣韻清遠。昂昂若  
 雲鶴之處雞群也，自有不羈之態。視榮貴如幻炎，執身心我  
 人為甚倒。慨然有出世之心，不肯為凡夫。年泉二十，一日，  
 辭父兄出家，知其志不可奪，不得已壯而許之。公侯將相、  
 朝士大夫及與臺皂隸等皆曰：今失命世之才，莫不銜恨  
 者。茲尋經論以言之，將入道門，欲得其正。如人造像，先辦  
 真金，象我之後體無增減。用真心修無上菩提，如將金為  
 器，器器皆金；用妄心修無上菩提，如將瓦為器，器器皆瓦。  
 故若於因地，以生滅心為本修。因欲求佛乘不生不滅，無有  
 是處。此諸聖之要言，修行者之正因，今公之發菩提心也，  
 可謂得其正也。如不以喜怒哀樂發菩提心，富貴榮利發菩  
 提心，即當以離前塵、分別性發菩提心，稱法界性發菩提  
 心。如此則殊師利菩薩，不動智佛主伴明矣。如清凉諍啓  
 明東廟，智滿不異於初心；寄位南求，因圓不逾於毛孔。則  
 龍女善財，豈迂滯哉。是以髮髮自茲而落，俗裝自茲而變。  
 戒品冰潔，威儀調順。號智元，字皎淵。衣鉢之外，分寸無  
 餘。猶虛室頰頰，妙用難窮。因自念創學之流，未諳教跡。執  
 權為實，迷不進修。不以聖教為繩墨，明師作指南。菩提涅  
 槃，尚在遙遠。豈能會諸地於先心，短長劫於一念。遂師於  
 玄凝尊者，所以崇德廣業，虛心外身。拂傲慢於貴法，除人  
 我於進修。攝漏塵之妄，識瓶裏之雀。密遮檢放逸之幻身，  
 井中之蛇深怕。緣緣自淨，物物無心。謙尊而光，卑而不可  
 踰。增上慢者見之而暴慢革，無明固者遇之而智慧生。為法  
 修忍，三忍之行圓。為法除蔽，六蔽之元淨。振古佛之宗風，  
 彝祖師之公案。本分作家，手段量度。鍛佛鉗錘，毀罵露珠  
 電掣，讚善水月空花。故當進齊乎佛果，行彌於法界。雖能  
 而能，不能於能者也。凝師於是曰：真個光昭先覺，可謂不  
 忝後昆。自非得恁□人，安能有如是法。乃機緣俱會，遂悟  
 旨於言下。即以證入法界，智如來果德。理體妙慧，為修行  
 之正因。如王寶印，一時普印無前後成文也。故乃得生空之  
 摠持，除闡提之不信。臻妙有之不極，起萬行以無疲。利貞  
 皇叔於公世，則渭陽之規，□達磨西來之□。祖祖相傳，燈

燈起焰。自漢暨於南國，代不無人。至於王弟。甚的見公  
 之於法也。機深於教門，□進求以身為逆旅。未曾得於身，  
 以心為緣相。豈可滯□心，貪如瘴海而不入，噴比誅戮而常  
 離。於是相與為□，知識無二三其心。以無作根本，智□  
 利之因，修法空之妙慧。行□利以無窮，出聲聞之清水。擢  
 凡夫之淤泥，如彼蓮花。斗頓馨香，無物以喻也。又與戒遵  
 長老求法界之游，為斷漫之友。以無言之深言，詮言絕之深  
 理。以無為之妙行，應無作之妙心。融真俗以無跡，鎔靜亂  
 而不偏，壞其可壞，遠離諸離。志悲拂跡，而雙人行願。忘照  
 以鏡興，五蘊付於雲夢，三界寄於電泡。張四心之仁，羅諸  
 類以無遺，展四攝之義，導生品以咸歸。大哉！生死無以牽  
 其慮。涅槃無以住其心。悲智交羅，自在運用，真大丈夫之  
 學佛者也。乃尋經論以符契心，無證微言以俯同元旨。良以  
 因深果奧，行廣位高。當處發揮無非佛，佛事貴與泰山之  
 高，利與蒼溟之深，而無以為心。則其□□□□之善無不  
 為，塵點之惡(惡)無不剪，則其戒深矣。舟本無人，奚司其  
 吝？則其忍廣矣。因果交馳，慣習功濟，則其進大矣。境□  
 □□□□□□□□□□則其定凝矣。妙有昭廓，而臨機變  
 化，靈靈無極，則其慧明矣。觀其臨時三昧，觸事解脫者，如  
 或有憚公之調深行遠，規矩難摹，故致繞之不置。公嗒焉似  
 喪其偶，而不知其所也。公之友謂於公曰：此不尊其尊，無  
 禮甚矣。□當叱之。公曰：何謂其然也？彼其之子，焉能使  
 子不類哉？吾之所學佛也，所貴者法也。可以小不忍而  
 亂法界大護乎？子不聞乎？菩薩□□，如飲鴆酒。子當怒  
 以怨乎？公之友曰：吾儕闢葺，未能至於此也。然吾不忍  
 見公之修忍也，以鉢錫雲游乎？又有畔婁之役。公之弟公  
 子□戰敗績，而為人所擒，拘之久矣。而守者依公之友奏於  
 公曰：當解以送之，謂予不信，有如敝日！公曰：無之。文  
 王拘於羑里，而天命有歸，天其有命矣。信則信矣，以吾弟  
 之賢，而汝曹送之，則其事必矣。然非吾佛法中事。菩薩見  
 詐，如畏豺狼，吾可以行詐乎！其萬行芬披，蒂窮萌，多類  
 於此，可同日而語哉！抑迺唯心回轉而善成，同時具足而  
 相應，盡如來之境界，同異之性亦滅。淨昭廓而明生，明圓  
 徹而覺滿。異同之所不至，無為之理分明。盡法界云一真如  
 際，發妙用而鑑窮沙界，蔭慈雲而覆涅槃。海非歷劫之功，

濟離念之蘊修，豈能以定慧照用，身心如此之四通也。公以病，故辭擬尊者，鳳歷之元，庚申之冬，栖託於茲山焉，順行而至已矣。由是德行星羅，寶澤泉湧，智周萬法而不為，悲等衆情而非己。雖修萬行，不□世間。因果交徹，單複互融。如毘楞伽寶，一切皆現。其□如夜夢千秋，覺已隨滅矣。且夫子以經義推其始終之事，行位重重，事理融徹。如此觀之，則文殊初心，普賢□行，彌勒極果明矣。其家譜宗系者，自觀音傳於施氏，施氏傳於道悟國師，道悟傳於玄凝，玄凝傳於公。公之族子有慧辯，追跡景行，唯嗅薝蔔而嗜醜醜者，公器之，因傳焉。嗚呼！公其來也，化身歟？其去也，補處歟？方網三昧之運用歟？非世俗準儀，言論云為之所及耶。以天開十年甲戌歲十月二十四日端坐，泊如也。一念圓融，具德安住法界矣。公以己已歲生，修行位中四十有六夏，父母之生六十有六年。其嗣法弟子起塔於山，辦事如法已。帝禮號塔曰寶際。謚曰頓覺禪師。餘事備如畫贊文具載。孫高明生，姪高善祐，雖妙年而義誘其衷，謂開國以來一人而已，可以將示來者。故俾公弟高觀音政檢校措意，如公弟扶危撫弱，防巢之義深者，因申奏上聞，琢石立碑，命臣佑輒書其大略也。如公之大者遠者，非吾所與焉。銘曰：

法界之滓，天地是生。法界之靈，聖人是明。高不可仰，深不可撐。緣謝歸無，獨悲衆情。千秋萬歲，物是人非。松風疏散，苔葉因依。白雲共住，山鳥猶歸。塔以表靈，碑以傳徽。

時天開十六年庚辰歲八月十五日，貴國先生曾孫蘇難陀智奉命書。

釋戒護檢校。

金欄杜隆義雕書。

### 忠節克明果行義帝墓誌並序

金□□□忠義臣謚曰忠節克明(一行)果行義帝墓誌並序。

金□□□光國大師(下闕)(二行)

夫易道以否泰翻復，天道以日月(三行)明晦。大□之

道，孰不以天地日月(四行)，否泰一命哉。故自命以觀□之(五行)物之盛衰，人之窮達，皆造陰陽之(六行)常數。推之御而不奪者，在於忠(七行)義而已。於此有人焉，高公之謂乎(八行)。公姓高氏，諱生福，太祖邦安賢帝(九行)高智昇，高祖善闡岳侯高昇祥，曾(十行)祖□□□牧高祥堅，祖高堅成，考(十一行)高成生。公幼有昂霄聳壑之姿，拔(十二行)萃出類之材，殺身成仁之志，穎銳(十三行)常作□□天下太平。據會要以觀(十四行)。

(以上第一面)

□□□□公用為謀主。至於(十五行)公甚□。茲居蠻貊以適時變，而死(十六行)生契闊，共作窮人。迢遞漢川之頭，髮(十七行)如雪變，飄泊夷山之外，生若雲浮(十八行)。嘗膺同危，一十有六年矣。嗟夫！道(十九行)之□□廢世不得以措手，則剝(二十行)

(以上第二面)

既復厥辟，則大事已就。功(二十一)既成矣，乃隨赤松子遊焉，留之不(二十二)得也。享年六十有九，於仁壽四年(二十三)十月廿三日奄疾，薨於礪礪故第(二十四)行。越翼日火化山麓(麓)，卜宅兆而安厝(二十五)行。天子追冊忠節克明果行義帝，禮(二十六)行)也。於戲！亡鏡之悲，豈獨於唐帝；禍(二十七)國之哭，不翅於□□，愁結雲昏，流(二十八)濼沾□。□□煙而月曉，□飄飛焉(二十九)行。目之則衷腸鬱結，未嘗不戀慕焉(三十)行。厥子□露淒懷，過期不除，封樹已(三十一)行)畢，求誌其墓。公之言行志節，恭友(三十二)孝悌，備在史籍，□□今但舉其(三十三)行)序(三十四)行)

(以上第三面)

大人之□，□□模(三十五)行。功既成矣，庶將去乎(三十六)行。雲川哽咽，山鳥嗚呼(三十七)行。試觀天下，如公之無(三十八)行)。

(以上第四面)(何邦華錄文)

### 大理國故高姬墓銘並序

大理國故高姬墓銘並序(一行)。

諫議大夫勅賜紫大師楊俊昇撰(二行)。

文言曰：坤至柔，而動也剛，至靜而德方，後得主而(三行)有常，含萬物而化光者，其高姬之謂乎。姬，大高氏，諱(四行)金仙貴。天下相君高妙音護之女，母建德皇女(五行)行)段易長順，翰林郎李大日賢之內寢也。姿過合(六行)浦，少溢照車之光。質孕藍田，長發聯城之瑩。釐(七行)降宅室，心規帝乙歸妹之文。術延臺閣，志慮齊姜濟(八行)晉之術。封小而光庶曩，謙謙以涉大川。動應承宜，同荇菜(九行)之生沼，朝暮不爽，類鳩鳩之在桑。婦節婦功，門不入於(十行)利。女工女史，閨無曠於庶宮。備危急則安而可遷，培勝剝(十一行)則積而能敬。黃裳元吉，色不過於所天。牝馬利貞，健允(十二行)諧於應地。亂世風雨，不□□曉之音。邪佞雪霜，孰變(下闕)(十三—十四行)。

碑陰

……僧於往踪月□□□早脫□□故伴生悲於晝夜，化生苦於□□□仁壽五年五月二十八日，丹桂傷風，至六月九日(下闕)化□春秋四十有六。(全文十四行，多已勒蝕不可識讀)

### 故溪氏謚曰襄行宜德履戒大師墓誌並叙

故溪氏謚曰襄行宜德履戒大師墓誌並叙。

逸士司直述(一行)。

夫士人居世道，有四言：一曰行事敬，二曰道德勤，三曰親親和，四曰友友信。昔聞(二行)其論矣，今見其人焉。其人若何？溪氏當矣。溪其姓，智其名，厥先出自長和之世。安因(三行)之時，撰□百藥，為醫療濟成業。洞究仙丹神述，名顯德歸。術著脈訣要書，布行後代(四行)。時安因遭公主之疾，命療應愈，勤立功，大賚，褒財物之□焉。繼補闡梨之職，□可切(五行)熙宜□，德裕後昆。去盛祐之諫封，就郭畿之安處。□□德帝朝，孫□全方贊於昌言(六行)，奏以□□所鑄丈六妙音之像，績未立而道在□□□。

今皇上設創千座□聖之恭，建(七行)可就而構茲棟宇，上德許諾，庶允□也。今聖像閑安，群生蒙福者，職是之力也。其子(八行)諱保，保生大，大生隆，隆生智。智以德年俱邁，業行雙勳，利貞皇補和尚以賜紫泥(九行)之書，大公護賞白衣以□備彩之繡。家牒行狀，乃楊文伯明俊之述詞，德業勳庸，則蘇(十行)神苦□之墨跡者，即其考也。及於師，繼承祖父，罔墜厥宗。磨煉藝能，培成其器(十一行)。務以慎終如始，修術以濟世度人。言可寡尤，行可寡悔。如此行事，是為敬歟？擇鄰(十二行)擇安，尚誠尚仁，向善以遷化，□惠及□以□厥行，不違寧居。勤以夜寐夙興，何暇安(十三行)息。如此進德，是為勳歟？父子慈孝，不廢人之大倫。兄友弟恭，允得天之常性。外以婚(十四行)姻既睦，內以□安寧。承積善之休，成富家之吉。如此親親，是為和歟？素履攸往，中(十五行)孚厥宗。省財用而多創佛乘，非飲食而致敬尊上。倫親急乏所用，曰於余求。朋友配(十六行)□□□□□□□□如此友友，是為信歟？□茲事德親友四緒，是叢厥身。務此敬勳(十七行)和信之四端，不墜於地。由是道隆皇帝降恩，賞以黃繡手披之級。讓囹公隆流惠備(十八行)□□同□源之資□佛事之典，□□□□之幹豈不□□力潛運□□明於光陰供(下闕)(十九行)。(何邦華錄文)

### 大理路興舉學校記

大理路興舉學校記(一行)。

夫聖道不傳，千載而無真儒，王化不行，百年而無善治。稽之書道唐虞，詩術殷周，夏曰校，殷曰序，周曰庠，名雖有(二行)三，其教一也。聖人設教而不立祖，王化以為遠邇，王化所及，教亦隨之。中國學校，在在皆有。雲南西陲，俗通天竺(三行)，徒事釋氏之書，雖有設科取士，未得其正。歲在癸丑(四行)，今皇帝居潛邸，爰興弔伐之師，旬時雲南率定。聖上遠鑒三代之盛，永惟盤石之固，詔立皇子為雲南(五行)王，啓封建也。至元甲戌，命平章政事賽典赤雲南行省，作新於民者多矣。首於大理、中慶各設提學教養之實，未(六行)果而卒。己酉之春，榮祿大夫平章政事脫脫木兒繼之，率多中州士夫，政令一新，民有大賴。暇日，召中奉

大夫參(七行)知政事郝天挺，嘉議大夫簽省張汝賢、承務郎員外焦徵語曰：皇孫雲南王，仁民愛物，甚得遠人之心，越乾(八行)□□□□緬酋逃竄入海，盡收其地，獻捷而還。邊境之國既已平，心服之民何以治？郝張曰：雲南之地，諸種(九行)□□□□□□□□□□中白人者，本漢之遺裔也。昔漢武伐西南夷，漢末，蜀相諸葛亮渡瀘水討定之，由是漢人(十行)□□□□□□□□□□□□□□□□推其通(十一行)□□□□□□□□□□□□□□□□□□□□之道以明□□□□化服，化成俗定，其政可不嚴而治也。平章公曰：若斯(十二行)□□□□□□□□□□□□□□□□□□□□民逸居無教，□□□□之亦由此道，學校如林，多士迺號吾道一貫天下也，何(十三行)□□□□□□□□□□□□□□□□趙傅弼充大理□學□□□□生員，許復其身，餘者路府亦皆然。遣承直郎理(十四行)□□□□□□□□□□□□□□□□傅弼始肄業焉。承(十五行)□□□□□□□□□□□□□□□□□□□□丁亥，郝焦二公省掾張治衡奉命沙汰冗官，至大理，□□朔旦率闔府官僚(十六行)□□□□□□□□□□□□□□□□□□□□性幣孔嘉，獻享有鬻，戴白垂鬚，怡怡熙熙，於是華夏之風燦然可觀矣。啓(十七行)□□□□□□□□□□□□□□□□□□□□成效，遷永昌教授李文□，以繼其職，嗚呼！教無類也，孰謂異俗之不可化哉。今(十八行)□□雲南荒服之人，非有故家風流，以資於見聞也，又非有鄉黨師友之習也。一旦舉中國之治以加之，皆反身革(十九行)面，若其固有之，於以見王者之德大以遐，夫子之道尊而明，而斯民果不難化也。他日人材輩出，彬彬然(二十行)誠有齊魯之風，則任斯事者宜無愧於文翁耳。

至元二十五年某月某日謹記(二十一)行。

### 陳氏墓碑銘並序

陳氏墓碑銘並序

趙子高□□書丹(一行)。

(上闕)諱明政，陳僧波明之二子也。有家譜云，其先自陳霸先，□梁武帝時，平侯景之亂，割據金(二行)(上闕)至

陳後主，國并於隋，子孫分散。有陳仲弓者，為太丘長，其後陳欽官於上黨，子康為江陵(三行)(上闕)師即康之第四子也。其孫陳善鐸當蒙國孝桓王之朝德宗也，與善鐸而南歸，後遂為(四行)(上闕)寺，號圓護和尚。壽終，葬於都城之南□□□□主，建塔以藏其舍利。其為人深慕欽光(五行)(上闕)其子孫世為金師，一族每相婚娶以為榮顯，不顧他族，吾國之俗唯陳氏而已。昔察(六行)(上闕)英賢君子，儒學之徒，悉集其府，商榷論議，以制國法，正風俗而理綱紀，別族類而定(七行)(上闕)美□，為觀音第二化。然聞陳氏之風，知其非類而異其議，志一而終榮顯也。欲順成(八行)(上闕)是以精其門閭，不□徭役，不係軍佐，□為金師以□其業□教人□不□生其中(九行)(上闕)燒出舍利，從古已無，皆其然也。自善鐸和尚至於滿□凡十三世，具見家譜，雖或僧(十行)(上闕)而守業志善不息。其初乃□彥賁滿載之五世孫也，稟性聰敏，自少從師問道，得其(十一行)(上闕)書算伎藝、弦歌音律，若□筮數，每與家族子弟交，□皆稱□□王公貴人，前後蠲免賦役，親(十二行)(上闕)焉，而不幸於至元二十九年八月二十八日，無疾而終，壽七十有一。獨一子而尚幼，其(十三行)(上闕)師表一□，故其姪陳通，欲以示後世而為□□乃立石於墓，求余為銘，以盡其情，而□(十四行)(上闕)猗歟陳氏兮，願靈而因深篤志高□兮，繼世而有其人。不□□義不化伎(十五行)(上闕)優遊同願而歸真。苟其積善兮，鐘節慶(中闕)於彥賁。□辱水鏡兮，靈而有魂。流(十六行)芳永世兮，猶厚□於子孫(十七行)。

(後橫刻梵文並橫書漢字一行，右行)。

追為彥賁陳明政。

(右下角直書漢字三行)。

諸天西方極樂世界大慈大悲三十六萬□□十一萬七千三百□□□□□□□□陀佛。

### 大理孔廟聖旨碑

雲南諸路行尚書省令史韓敬撰。

承務郎同知茫部路總管府事王如珪書丹。

奉政大夫雲南諸路行尚書省左右司郎中也舍奴題額



(以上三行在碑右下角)。

上天眷命(一行)、皇帝聖旨、論中外百司官吏人等(二行)：孔子之道，垂靈萬世，有(三行)國家者，所當崇奉。曲阜林廟上都大都諸路府州縣邑廟學書院，照依(四行)世祖皇帝聖旨，禁約諸官員使臣軍馬，毋得於內安下，或聚集理問詞訟，褻瀆宴飲，工(五行)役造作，收貯官物等。其瞻學地土產業，及貢士莊田，外人毋得侵奪，所出錢(六行)糧，以供春秋二丁朔望祭祀，及師生廩膳，貧寒老病之士，為眾所尊敬者，月(七行)支米糧，優恤贍養。廟宇損壞，隨即修完。作養後進，嚴加訓誨。講習道藝，務在(八行)成材。若德行文學高出時輩者，有司保舉，肅政廉訪司體覆相同，以備選用(九行)。本路總管府提舉儒學肅政廉訪司宣明教化，勉勵學校，凡廟學公產，諸人(十行)毋得沮壞。據合行儒人事理，照依已降(十一行)聖旨施行。彼或恃此非理妄行(十二行)，國有常憲，寧不知懼！宜令准此(十三行)。

至元三十一年七月□日，  
大理路軍民總管府立石(十四行)。(王雲錄文)

### 妙應蘭若塔記

妙應蘭若塔記。

我佛如來庶苑集眾之時，現真身而應機說法，雙林入(一行)滅之後，留慈影而濟世度人。是知容儀乃玉兒金容之跡，寶塔即靈牙舍(二行)利之蹤，儻若一心皈依，便獲無邊福利。今有信士張成昇、楊成奴等三十五人，近(三行)因中順大夫中慶路總管李公建此梵宇之事而發信心，其結良緣，建茲寶(四行)塔。使人天之瞻仰，念念發心，得神明之護持，時時增福。伏願(五行)佛日永耀，毫光照於三千大千，塔影秋江，福利霑於四類六類，仍冀諸人現世(六行)，壽福延遠，當來道果圓成，過去亡靈，祝生淨土(七行)。

時元貞元年五月十三日。

趙政惠謹記。

施主張成昇、楊成奴、楊情、張成些、張官祥(八行)、尹官海、李些通、張順昇、提控楊宗、趙成福、楊奴祥、楊何久、楊官慶(九行)、洪官政、楊奴滿、何官海、蘇官保、楊般若祥、趙師奴、李官明、趙師正、楊般若通(十行)、張成忠、張

成明、尹成慶、楊奴生、楊般若祐、王師松、李官連、張成松、趙官成(十一行)、尹官昌、楊官亦、段官通、段官明。  
匠人楊賢、張奴(十二行)。

### 故大師白氏墓碑銘並序

故大師白氏墓碑銘並序。

大師趙俊昇述(一行)。

夫林木之茂，至於合拱，其培養固非一日。源泉之流，至乎江海者，其積豈不漸。所謂根深(二行)則木茂，源遠則流長，此修德者之所宜鑒，今白氏其庶幾焉。雖經世變遷徙，而名德(三行)世其家，豈非積行累德之所致乎。大師姓白氏，諱長善，大師白興智(四行)國師張汝祐之女。其家世勤行，具有譜錄。其宗出自於楚平(五行)勝封於白，是為白公，由此為氏。楚之先帝顛頊歷堯舜(六行)苗裔曰熊繹，封於楚，後皆稱王，具於前史。其後世衰，至(七行)於太原，因為太原人。子孫連綿不絕，至唐時，(八行)於當時，白敏中者，居易之從父弟也。居易(九行)乃大宋仁宗皇祐四年壬辰，即我大理(十行)江(十一行)江，降於大理。其醫術之妙則和原、文學(十二行)方、巧匠，於斯而著。(十三行)不得誅，然而不可使玉石俱焚，(十四行)是函其首送於知(十五行)州事蕭(十六行)林，升(十七行)。

和原為醫長，由是為(十七行)。

(闕)(十八行)

(以下為碑陰)

太，太生興，興生智，智生長。凡此數世，其方術之妙，祿位之尊，(一)之俸，其譜錄中甚詳，不復備載。大師(二)行)，和原之八世孫也。自少勤於道業，通知書史，格盡(三)年十三，仕上國公高隆。道隆七年(二行)，公子慶充姚州會川等節度，師以醫藥而為侍從，遂娶李氏坦緯明朱之孫監府事宗救之女(三行)，(四)家。道隆十二年庚戌，公子慶薨，弟高通襲姚州節度，師復事焉。至天定三年癸丑(四行)，天軍南下，高通廬於會川，師保忠義，與高通夙艱苦。至丙辰歲，高通復歸姚州，師以師為姚州僧長。中(五)行)統二年，(六)死高遁，悉以其田宅人口授師。至元元年，舍利僧搆亂，師先歸順，請復封高通弟(六行)高堅於姚州，師佐高堅安集人民。至元十七年，段參政持大寶藏自(七行)朝始迴，於經藏前欲旌師之名德，乃授大師之號，寶與勝德之田三十雙，寵愛越於倫輩。元(八行)貞元年(九)行)，王(十)以師藥有驗，常置左右，賞賜不可勝數。至大德三年己亥，段都元帥有疾，眾醫更治不愈，乃(十行)召師於姚州。師既至，藥灸有效。不幸而師染疾，至五月十八日而終，都元帥以禮葬之於北陵(十一行)，(十二)生壽七十有三。師自少義隨君親，流於邊地，而終死於先人之墓，諸其素志，親族以為榮(十二行)。師誨人以忠信，禮義抵於其心，孝友出於天性，嚴持禁戒，終始若一，宗教之學窮於精粹，脈(十三)行)能辨生死，藥不問貴賤，心意坦然，類知道者。凡公相貴人，下至士庶，其所活者甚眾，故能光(十四行)宗榮族，足以儀表後世，號曰醫明道蘊由理大師。其子遠來，欲刊諸石，傳示久遠，乞余為文(十五行)，以誌其墓，余實錄而銘之。銘曰：

山石嵯峨兮塚之傍，陵谷變遷兮世其光(十六行)。魂有靈兮裕其後，死不朽兮名愈芳(十七行)。

(年代及立碑人闕)。

### 大勝寺修造記

本寺修造記(一行)。

佛獨居天上天下之尊，在天則天主帝釋，在世則人君